

Nalog supervizora kojim se odobrava da Vlada Brčko Distrikta utroši sredstva iz budžeta kapitalnih potreba za 2004.god.

U skladu sa ovlaštenjima koja su mi data stavovima 8, 10, 13, 34 i 37 Konačne odluke od 5.3.1999. god., i stavom 8 B Aneksa Konačne odluke od 18.8.1999.god., koje je donio Arbitražni tribunal za spor oko međuentitetske granice u oblasti Brčkog;

Sa zabrinutošću zbog neuspjeha Skupštine da objektivno dodijeli budžetska sredstva iz budžeta kapitalnih potreba za 2004.god.;

Priznajući da politizacija ovih pitanja na nacionalnoj osnovi od strane Skupštine obstruira utrošak sredstava od strane Vlade koja su prijekopotrebna kako bi se poboljšala infrastruktura i stimulisala privreda;

Izražavajući žaljenje što se raspoloživa sredstva, prikupljena od poreskih obveznika, ne vraćaju blagovremeno istima u vidu usluga, radnih mjesta, plata i socijalnih doprinosa;

Konstatujući da je građevinska sezona u jeku i da će dalje odgađanje ugroziti blagovremenu implementaciju projekata;

Poštujući nadležnost Skupštine u njenoj povjerenoj i zakonodavnoj kontrolnoj funkciji, ali istovremeno priznajući podjelu vlasti prema kojoj je Vlada odgovorna da djeluje bez nepotrebnog uplitanja;

Pozivajući sena konačni autoritet supervizora po pitanju budžeta Distrikta u skladu sa stavom 8 B Aneksa Konačne

odluke;

Sa ciljem da se raspoloživa sredstva potroše adekvatno i blagovremeno tako da njihov pozitivni uticaj na privredu zadovolji legitimne zahtjeve građana;

Apelujući na Vladu Distrikta da preduzme dalje mjere blagovremeno, na otvoren i zakonit način;

Ovim nalažem sljedeće:

Da Vlada Distrikta ima ovlaštenje da implementira:

- 1) Prijedlog za dodjelu sredstava koji je Skupštini dostavila skupštinska Komisija za budžet 9.4. 2004.god. br. 013-213/04, amandmani br. 7, 8, 9, 10 i 12;
- 2) Prijedlog Odluke o načinu utroška sredstava iz budžeta kapitalnih potreba u 2004.god. (Program obnove, rekonstrukcije i izgradnje), br. 01-014-003697/04 od 21.4.2004.god. i Prijedlog odluke o utvrđivanju kriterija za izbor prioritetnih korisnika i dobijanje pomoći za obnovu, rekonstrukciju i izgradnju za 2004.god. br. 01-014-001263/04-1 od 13.4.2004.god.
- 3) Prijedlog odluke o obezbjeđenju novačanih sredstava u budžetu kapitalnih potreba u 2004.god. i kriterije za odabir korisnika br. 01-014-004098/04 od 21.4.2004.god.

Vlada Distrikta će mjesečno izvještavati Skupštinu i javnost o statusu radova, utrošku sredstava, ostvarenom napretku i preostalim zadacima. Ova obaveza Vlade počinje od 31.5.2004.god. kada će Vlada podnijeti prvi izvještaj.

Vlada Distrikta će obezbijediti da nezavisna i profesionalna revizorska kuća, u skladu sa međunarodnim revizorskim i računovodstvenim standardima, izvrši reviziju i utvrdi da li su odluke pod tačkama 1), 2) i 3) ovog Naloga supervizora pravilno realizovane. Revizorski izvještaj će se podnijeti do kraja septembra 2004. god.

Ovaj Nalog supervizora stupa na snagu odmah i bez odlaganja se objavljuje u „Službenom glasniku Brčko Distrikta“, a prelazne Vlada i Skupština Brčko Distrikta su dužne preduzeti sve potrebne mjere za njegovu implementaciju.

Susan R. Johson
zamjenik visokog predstavnika
supervizor za Brčko